

鬼

夫天下之人一半為鬼所迷一半為人所惑交相鼓煽幾盈天下高明者以明言救之而不從在上者以法禁之而不止邪說日熾日盛將來不知所終矣鬼是既死底人人是未死底鬼而今之神皆古之人也盈天地間無處不有鬼神非但天地間有鬼神人身中亦有鬼神何以知之人性生於陽而形生於陰陽則為神陰則為鬼攝情歸性者神之道也徇情喪性者鬼之事也俗語云人有一分陽不成鬼有一分陰不成仙誠哉是言也夫人也者陰陽之交鬼神之會也倏而向善神啟之也倏而作惡鬼使之也君子慎獨察善惡之機辨鬼神之道也

道藏輯要

養真集

三

菑集九  
又曰中上

白髮老人曰攝情歸性不求神而神矣徇情喪性不覺鬼而鬼矣君請擇於斯二者

神

人之真性即人之元神也以其靈明而莫測妙應而無方故名之曰神謂之元者所以別於後天思慮之神也神來入身者生神去離身者死何以知神來念止神即來何以知神去念動神即去形者氣之宅也氣在則形不衰氣者神之母也氣在則神不散人為善則神聚而靈人為惡則神散而昏人有病則神離形而不受其苦人有難則神先去而不當其殃人一息不得神則一息不全人有二谷其虛如谷而神居之故曰谷神上曰天

谷泥丸是也爲天根神之本宮故神居天谷則精化炁炁上昇九年天宮滿而天門爲之開通矣申曰應谷絳宮是也爲布政之明堂故神居應谷則耳有聞目有見五官効職而百骸爲之從令矣下曰靈谷丹田是也爲藏修之密室故神居靈谷則視者返聽者收神氣相守而營魄爲之抱一矣

白髮老人曰元神二字說得極明白不然必認後天思慮之神爲神矣念止神卽來念動神卽去尤爲下手口訣有病則神離形而不受其苦有難則神先去而不當其殃非神化之人斷不能道神化之妙世之津津論神者何嘗夢見